

"Аңшылық алқаптар мен балық шаруашылығы су айдындарын және (немесе) учаскелерін бекітіп беру жөнінде конкурс өткізу қағидаларын және конкурсқа қатысушыларға қойылатын біліктілік талаптарын бекіту туралы" Қазақстан Республикасы Ауыл шаруашылығы Министрінің 2015 жылғы 19 наурыздағы № 18-04/245 бұйрығына өзгерістер мен толықтырулар енгізу туралы

Қазақстан Республикасы Ауыл шаруашылығы министрінің 2015 жылғы 24 қарашадағы № 18-04/1030 бұйрығы. Қазақстан Республикасының Әділет министрлігінде 2016 жылы 13 қаңтарда № 12859 болып тіркелді

Б Ұ Й Ы Р А М Ы Н :

1. «Аңшылық алқаптар мен балық шаруашылығы су айдындарын және (немесе) учаскелерін бекітіп беру жөнінде конкурс өткізу қағидаларын және конкурсқа қатысушыларға қойылатын біліктілік талаптарын бекіту туралы» Қазақстан Республикасы Ауыл шаруашылығы Министрінің 2015 жылғы 19 наурыздағы № 18-04/245 бұйрығына (Нормативтік құқықтық актілерді мемлекеттік тіркеу тізілімінде № 11227 болып тіркелген, «Әділет» ақпараттық-құқықтық жүйесінде 2015 жылғы 25 маусымда жарияланған) мынадай өзгерістер мен толықтырулар енгізілсін:

Көрсетілген бұйрықпен бекітілген Аңшылық алқаптар мен балық шаруашылығы су айдындарын және (немесе) учаскелерін бекітіп беру жөнінде конкурс өткізу қағидаларында :

35-тармақ мынадай редакцияда жазылсын:

«35. Комиссия мүшелерінің жалпы саны тақ санды құрауға және бес адамнан кем болмауға тиіс.

Конкурстық комиссияның шешімдері отырысқа оның мүшелерінің кемінде 2/3 қатысқан жағдайда заңды болып есептеледі және хаттамамен ресімделеді.»;

49-тармақ мынадай жаңа редакцияда жазылсын:

«49. Өтінім берілген балық шаруашылығы су айдынына және (немесе) учаскесіне байланысты, осы Қағидалардың 47-тармағында көрсетілген құжаттардан басқа, өтінімге қосымша келесі құжаттар тіркеледі:

1) кәсіпшілік балық аулауды жүргізу мақсатында (ащы-тұзды су айдындарын қоспағанда) Каспий, Арал теңіздері, Зайсан, Балқаш көлдері, Бұқтарма, Шүлбі, Шардара, Алакөл көлдері жүйесі, Ертіс өзені, Қапшағай су қоймасы, Жайық, Қиғаш, Сырдария өзендері үшін:

осы Қағидаларға 6-1-қосымшаға сәйкес балық ресурстарын және басқа да су жануарларын аулау мен өңдеу* жөніндегі негізгі құрал-жабдықтардың, технологиялық жабдықтар мен өзге де материалдық-техникалық құралдардың болуы туралы анықтама

(бұдан әрі - негізгі құрал-жабдықтардың болуы туралы анықтама) (түпнұсқа);
ескертпе: *өңдеу осы Қағидалардың 49-тармағының 1) тармақшасының бірінші абзацында көрсетілген су айдындары үшін балық шикізатын өңдеуді (оның ішінде термикалық), бөлшектеуді (қабыршығынан аршуды, бөлшектеп бөлуді, сүбе етін алуды, басын кесіп алуды, терісін сыпыруды, етін тартуды, ішек-қарнынан тазартуды), қақтауды, суықтай ыстауды, ыстықтай ыстауды, балық ұнын (майын) (бар болса) өндіруді білдіреді.

Қатысушы негізгі құрал-жабдықтардың болуы туралы анықтама берген кезде балық ресурстарын және басқа су жануарларын аулау мен өңдеу бойынша мәлімделген технологиялық жабдықтардың қуаты балық шаруашылығы учаскесінің немесе су айдынының әлеуетті қуатынан кем болмауға тиіс, ол мына формула бойынша анықталады:

$V=VL/SY$, мұнда:

SY – соңғы үш жылдың су айдынындағы орташа учаскелерінің саны;

VL - соңғы үш жылда су айдынында балық ресурстарын аулаудың белгіленген лимитінің орташа көлемі;

SY – мына формула бойынша анықталады:

$SY=(Y1+Y2+Y3)/3$, мұнда:

$Y1, Y2, Y3$ – конкурс өткізу жылының алдындағы үш жылда учаскелерінің саны.

VL мына формула бойынша анықталады:

$VL=(L1+L2+L3)/3$, мұнда

$L1, L2, L3$ – конкурс өткізу жылының алдындағы үш жылда аулаудың заңнамаға сәйкес белгіленген лимиттері.

конкурстық өтінімдер салынған конверттер ашылатын күннен бір айдан ерте берілмеген қатысушының атына тіркелген аулаушы және көліктік флот, оның ішінде шағын көлемді флот туралы мемлекеттік кеме тізілімінен көшірме (түпнұсқа);

Қазақстан Республикасы Ауыл шаруашылығы министрінің 2015 жылғы 23 қаңтардағы № 7-1/37 бұйрығымен бекітілген Жануарлар өсіруді, жануарларды, жануарлардан алынатын өнім мен шикізатты дайындауды (союды), сақтауды, қайта өңдеуді және өткізуді жүзеге асыратын өндіріс объектілеріне, сондай-ақ ветеринариялық препараттарды, жемшөп пен жемшөп қоспаларын өндіру, сақтау және өткізу жөніндегі ұйымдарға есептік нөмірлер беру қағидаларының (Нормативтік құқықтық актілерді мемлекеттік тіркеу тізілімінде № 10466 болып тіркелген) 4-қосымшасына сәйкес нысан бойынша балық өнімінің экспорты үшін есеп нөмірінің болуы туралы растама (көшірме);

2) кәсіпшілік балық аулауды жүзеге асыру мақсатында басқа балық шаруашылығы су айдындары және (немесе) учаскелері үшін: негізгі құрал-жабдықтардың болуы туралы анықтама (түпнұсқа); конкурстық өтінімдер салынған конверттер ашылатын күннен бір айдан ерте

берілмеген қатысушының атына тіркелген аулаушы және көліктік флот, оның ішінде шағын көлемді флот туралы мемлекеттік кеме тізілімінен көшірме (түпнұсқа);

3) ащы-тұзды су айдындары және (немесе) учаскелері үшін:
жинау және бастапқы өңдеуден өткізу үшін меншігінде құралдардың болуы туралы мәліметтер (түпнұсқа);

негізгі құрал-жабдықтардың болуы туралы анықтама (түпнұсқа);
4) жергілікті маңызы бар балықтардың қырылып қалу қаупі төнген су айдындары мен (немесе) учаскелері үшін:

осы Қағидаларға 6-2-қосымшаға сәйкес балық шаруашылығы мелиоративтік жұмыстарын жүргізу үшін негізгі құрал-жабдықтардың болуы туралы анықтама (бұдан әрі – мелиорациялық жұмыстардың жүргізілуі туралы анықтама) (түпнұсқа);

5) әуесқойлық (спорттық) балық аулауды жүргізу мақсатында балық шаруашылығы су айдындары және (немесе) учаскелері үшін:
конкурстық өтінімдер салынған конверттер ашылатын күннен бір айдан ерте берілмеген қатысушының атына тіркелген жүзу құралдары туралы мемлекеттік кеме тізілімінен көшірме (түпнұсқа);

балық шаруашылығы және туризм саласында мамандардың болуын растайтын құжаттар (жасалған еңбек шарттары мен дипломдардың көшірмелері);

қатысушының жеке меншігінде өтінім берілген балық шаруашылығы су айдынына және (немесе) учаскесіне іргелес жер учаскесінің болуын растайтын құжаттар (көшірме) ;

қатысушының жеке меншігінде жер учаскесіндегі инфрақұрылымның болуын растайтын құжаттар ;

қатысушының жеке меншігінде автомобиль көлігінің болуын растайтын құжаттар;
аулау құралдарының болуы туралы мәліметтер (көшірмесі);

6) К Т Б Ш ү ш і н :
ғылыми ұсыныстар негізінде КТБШ құру бойынша дайындық жұмыстарын жүргізу жөнінде үш жылдан аспайтын мерзімге арналған аумақтық бөлімшемен келісімделген және өтінім берушінің басшысы бекіткен балық шаруашылығын дамыту жоспары (тү п н ұ с қ а) ;

мелиорациялық жұмыстардың жүргізілуі туралы анықтама (түпнұсқа);
балық шаруашылығы саласында маманның болуын растайтын құжаттар (жасалған еңбек шарты мен дипломның көшірмелері);

7) шарбақтық балық өсіру шаруашылығы үшін:
шарбақтық балық өсіру шаруашылығын құру бойынша үш жылдан аспайтын мерзімге арналған балық шаруашылығын дамыту жоспары (түпнұсқа);
барлық растайтын құжаттар қоса тіркелген балық өсіру үшін меншік құқығында шарбақтың болуы (көшірмесі);

балық шаруашылығы саласында маманның болуын растайтын құжаттар (жасалған

еңбек шарты мен дипломның көшірмелері);
меншік құқығында тұйықталған сумен жабдықтау қондырғыларында балық өсіру және оны тасымалдау өндірісінің болуы (тірі балық тасу машиналары) (көшірме)»;
осы бұйрыққа 1 және 2-қосымшаларға сәйкес 6-1 және 6-2-қосымшалармен
т о л ы қ т ы р ы л с ы н ;

көрсетілген бұйрықпен бекітілген Аңшылық алқаптары мен балық шаруашылығы су айдындарын және (немесе) учаскелерін бекітіп беру жөніндегі конкурсқа қатысушыларға қойылатын біліктілік талаптарында:
2 және 3-тармақтар мынадай редакцияда жазылсын:

«2. Балық шаруашылығы су айдындарын және (немесе) учаскелерін бекітіп беру жөніндегі конкурсқа қатысушыларға мынадай біліктілік талаптары қойылады:

1) салық берешегінің, міндетті зейнетақылық жарналар, міндетті кәсіби зейнетақылық жарналар және әлеуметтік аударымдар бойынша берешектің болмауы;

2) Балық шаруашылығын дамыту жоспарлары бойынша осының алдындағы жылдар
ү ш і н б е р е ш е к т і н б о л м а у ы .

3. Өтінім жасалған су айдынына және (немесе) учаскесіне байланысты, осы Біліктілік талаптарының 2-тармағында көрсетілген біліктілік талаптарынан басқа, Конкурсқа қатысушылар мынадай біліктілік талаптарына сәйкес келуге тиіс:

1) кәсіпшілік балық аулауды жүргізу мақсатында (ащы-тұзды су айдындарын қоспағанда) Каспий, Арал теңіздері, Зайсан, Балқаш көлдері, Бұқтарма, Шүлбі, Шардара, Алакөл көлдері жүйесі, Ертіс өзені, Қапшағай су қоймасы, Жайық, Қиғаш,
С ы р д а р и я ө з е н д е р і ү ш і н :

балық ресурстарын және басқа да су жануарларын өңдеу жөніндегі негізгі өндірістік құрал-жабдықтардың, технологиялық жабдықтардың және өзге де материалдық-техникалық құралдардың қатысушының меншік құқығында болуы;
меншік құқығында балық аулау (ұстау) флоты мен кәсіпшілік аулау құралдарының
б о л у ы ;

2) ащы-тұзды су айдындары және (немесе) учаскелері үшін:
жинау және бастапқы өңдеу үшін құралдардың меншік құқығында болуы;
негізгі құрал-жабдықтардың меншік құқығында болуы;

3) әуесқойлық (спорттық) балық аулауды жүргізу мақсатында басқа балық шаруашылығы су айдындары және (немесе) учаскелері үшін:
меншік құқығымен жүзу құралдарының және автомобиль көлігінің, өтінім берілген балық шаруашылығы су айдынының және (немесе) учаскенің жағалауында инфрақұрылымы бар жер учаскесінің болуы;

4) КТБШ жүргізу мақсатында балық шаруашылығы су айдындары және (немесе)
у ч а с к е л е р і ү ш і н :
балық шаруашылығы саласында маманның болуы;
меншік құқығымен балық өсіру-мелиоративтік техниканың болуы;

5) шарбақтық балық өсіру шаруашылықтарын жүргізу мақсатында балық шаруашылығы су айдындары және (немесе) учаскелері үшін: балық өсіру үшін шарбақтардың меншік құқығында болуы; балық шаруашылығы саласында маманның болуы; тұйықталған сумен жабдықтау қондырғыларында балық өсіру өндірісінің және оны тасымалдау құралдарының (тірі балық тасу машиналары) меншік құқығында болуы.».

2. «Қатысушының жеке меншігіндегі негізгі құралдардың, балық ресурстарын және басқа да су жануарларын аулау мен өңдеу жөніндегі технологиялық жабдықтар мен өзге де материалдық-техникалық құралдардың, сондай-ақ балық шаруашылығы мелиорациялық жұмыстарын жүргізу үшін негізгі құралдардың болуы туралы анықтаманың, балық шаруашылығы мелиорациялық жұмыстарын жүргізу үшін негізгі құралдардың болуы туралы анықтаманың нысандарын бекіту туралы» Қазақстан Республикасы Қоршаған ортаны қорғау министрінің міндетін атқарушының 2013 жылғы 20 тамыздағы № 250-ө бұйрығының (Нормативтік құқықтық актілерді мемлекеттік тіркеу тізілімінде № 8640 болып тіркелген, «Егемен Қазақстан» газетінің 2013 жылғы 4 қыркүйектегі № 203 (28142) санында жанияланған) күші жойылды деп т а н ы л с ы н .

3. Қазақстан Республикасы Ауыл шаруашылығы министрлігінің Орман шаруашылығы және жануарлар дүниесі комитеті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік т і р к е л у і н ;

2) осы бұйрық мемлекеттік тіркеуден өткеннен кейін он күнтізбелік күн ішінде оның көшірмесінің мерзімді баспа басылымдарында және «Әділет» ақпараттық-құқықтық жүйесінде ресми жариялауға, сондай-ақ Қазақстан Республикасы нормативтік құқықтық актілерінің эталондық бақылау банкіне орналастыру үшін шаруашылық жүргізу құқығындағы «Қазақстан Республикасы Әділет министрлігінің Республикалық құқықтық ақпарат орталығына» жіберілуін;

3) осы бұйрықтың Қазақстан Республикасы Ауыл шаруашылығы министрлігінің интернет-ресурсында және мемлекеттік органдардың интранет-порталында орналастырылуын қамтамасыз етсін.

4. Осы бұйрықтың орындалуын бақылау жетекшілік ететін Қазақстан Республикасы Ауыл шаруашылығы вице-министріне жүктелсін.

5. Осы бұйрық ол алғаш ресми жарияланған күнінен кейін күнтізбелік жиырма бір өткен соң қолданысқа енгізіледі.

Ауыл шаруашылығы министрі

Қ а з а қ с т а н Р е с п у б л и к а с ы

А. Мамытбеков

« К Е Л І С І Л Д І »

Қ а з а қ с т а н Р е с п у б л и к а с ы

Инвестициялар және даму министрі

2015 жылғы 30 қаңтар

----- Ә. Исекешев

« К Е Л І С І Л Д І »
Қазақстан Республикасы
Ұлттық экономика министрі
----- Е. Досаев

2015 жылғы 18 желтоқсан

Қазақстан Республикасы

Ауыл шаруашылығы министрінің

2015 жылғы 24 қарашадағы

№ 18 - 04 / 1030 бұйрығына

1-қосымша

Аңшылық алқаптар мен балық шаруашылығы
су айдындарын және (немесе) учаскелерін
бекітіп беру жөнінде конкурс өткізу
қағидаларына 6-1-қосымша
Нысан

**Балық ресурстарын және басқа да су жануарларын аулау мен өңдеу жөніндегі
негізгі құрал-жабдықтардың, технологиялық жабдықтар мен өзге де
материалдық-техникалық құралдардың болуы туралы анықтама**

№	Атауы	Өлшем бірлігі	Саны
1	2	3	4
1.	Балық шаруашылығы өнімін тоңазытуға, мұздатуға арналған ыдыстар	тонна	
2.	Есептік нөмірі №_____ көрсетілген балықты және басқа су жануарларын терең (түпкілікті) өңдеуге арналған цехтар	тонна/тәулік	
3.	Тасымалдау (балық аулау) флоты, оның ішінде:		
	1) қуаты 40 ат күші және одан жоғары өздігінен жүретін (тұрақты қозғалтқышы бар)	бірлік	
	2) шағын көлемді, оның ішінде өздігінен жүретін, аспалы қозғалтқышы бар	бірлік	
4.	Аулау құралдары, оның ішінде:		
	1) сүзекі	дана	
	2) құрма ау, қабада	дана	
5.	Басқалар (көрсетілсін)		

Осы анықтамада көрсетілген мәліметтердің дұрыстығын растаймын.

Толтыру күні_____ Өтінім беруші _____

(Тегі, аты, әкесінің аты (бар болса) немесе ұйымның атауы)

М ө р о р н ы

(Бар болса) қолы _____

Қазақстан Республикасы

Ауыл шаруашылығы министрінің

2015 жылғы 24 қарашадағы

№ 18-04/1030 бұйрығына

2-қосымша

Аңшылық алқаптар мен балық шаруашылығы
су айдындарын және (немесе) учаскелерін
бекітіп беру жөнінде конкурс өткізу
қағидаларына 6-2-қосымша

Нысан

**Балық шаруашылығы мелиоративтік жұмыстарын жүргізуге
арналған негізгі құрал-жабдықтардың болуы туралы анықтама**

№	Атауы	Өлшем бірлігі	Саны
1	2	3	4
1.	Балық аулайтын жүзу құралдары	бірлік	
2.	Аулау құралдары, оның ішінде:		
	сүзекі	дана	
	құрма ау, қабада	дана	
3.	Балық өсіру-мелиоративтік техника:	бірлік/дана	
	қамыс шалғылары		
	жер қазатын техника		
	аэраторлар		
	автокөлік және (немесе) тірі балық тасымалдауға лайықталған ыдыстар		
4.	Басқалар (көрсетілсін)		

Осы анықтамада көрсетілген мәліметтердің дұрыстығын растаймын.

Толтыру күні _____ Өтінім беруші _____

(Тегі, аты, әкесінің аты (бар болса) немесе ұйымның атауы)

М ө р о р н ы

(Бар болса) қолы _____